



نسخ وادستان

جلد ۱۳۳۶

مجموعه خطی
۱۳۳۶

عاشق دیدار اولانلر مست اولور مجنون اولور
 بوقفسده مرغ جانہ وارمی سکردن لذید
 اول شراب لایزالیدن ایچن جانہ صفا
 کیم دماغده اولور بیک آب کوژدن لذید
 قلبه مانند سفینه انقلابی جلب ایدر
 بحر عشقک روزکاری راحت بردن لذید
 جمله عالمدن اولوب خالی طولار عشق ایله دل
 روحنی پرشور ایدر لب شیر و شکردن لذید
 عقل و جان و دل کیدر کلسه خیال دلربا
 کاکل مشکین ذکری بوی عنبردن لذید
 اول شراب روح بخشی نوش ایدنلر (عاذله)
 ذوقیاب فیض اولور بالجمله شیردن لذید



خاطرات

یاد ماضی وسیله رحمتدر

۱۲۹۲ سنه سندن ۱۲۹۵ سنه سنه قدر ماردینده بولیوردم . بو
 اوچ سنه مدت هم غایت الیم همده غایت طاتلی زمانلریمی حاوی ایدی .
 الیم ایدی . زیرا سلطان عبدالعزیز خان حضرتلرینک خلع مؤسفلری
 و سلطان مراد خامس حضرتلرینک وقعه فجیه سی و روسیه مسئله
 معلومه سی هپ اوزمان مشئومده ظهوره کلش بتمش کیتمشدی .
 طاتلی ایدی . زیرا اطرافه باقدیجه دنیایی جنت و انیسانلری ملک
 ظن ایدم جک قدر معصوم و چالشمیه مساعد برزمانم اولدقدن بشقه
 فخرالفضلا دیاربکرلی سعید پاشا حضرتلری متصرف و استاد اکرم احمد
 حامی اقدی آق قویونلی ملوکندن قاسم پادشاه مدرسه سنک مدرسی

ودایلم ابدان عبدالفتاح فتحی و عبد الکریم عبدی افندیلر، ماردین
سنباغی تخریرات و رسومات مدیرلری ایدیلر.

مصرفلر نرهدن کلیور بوضیافتلر بودعوتلر بوخاندانقلر نه صورتله
وقوع بولیور ادراکدن مبرا برزمانم اولمقله برابر بویه درت عددفاضل،
ادیب، شاعر، ذاتلرله کیجه کوندوز کتاب او قومقدن بشقه هیچ برشیئی
دوشوندیکم یوقدی.

شهنامه ایسترم، دیدمی ایکی هفته ظرفده پوسته ایله بغداددن کلیور.
تاریخ بن اثیر ایسترم دیدمی اوچ بش کون ایچنده دیاربکردن جلب اولئیوردی.
یاز کونی زنارلرده [۱] فردوسلرده [۲] صحبت ایتمکدن وقیش کیجه لری
اوطه لرایچنده اوجاق کنارلرنده کتاب او قومقدن شعر سویلکدن بشقه هیچ
بردوشونجه من یوقدی. هله هفته ده. برایکی کیجه اعظم و اشراف مملکتله
صحبتلر. اولئور و بعض کیجه قالدیغمز اشراف خانه لرنده بن آرقداشلمله
بر اوطه یه چکیله رک او یومقدم اولدیغمز حالده مودی نک بری قالدته رق دیکرینه
بریاصدق آتار اوده اویانوب بریکنه مقابله ایدر. بو حال اویانق اولانلرک
اشتراکه ویاتمش بولانلرکده اویانمسنه باعث اوله رق صباحه قدر بریاصدق
یاغموری صحبتی دوام ایدردی.

ضرائبندرکه اوصره ده معموره العزیز متصرفلغنده علمادن آتنه لی
عبدالنافع افندی معدن متصرفلغنده فضالادن محی الدین رومی پاشا
بولئیورلردی. کرک مشارالیهما و کرک سائر مشاهیرادبا طرفندن ماردین
متصرفی سعید پاشا حضرتلرینه محبت نامه لر غزللر ورود ایدر سعید پاشا
حضرتلری طرفندن ده جوابنامه لریازیلیردی. هنوز شمعی آکلیورم
کویا که جناب کبریابوذوات فاضله یی بنم خاطریم ایچون برآرمیه طوبیلامش
وبوظریف و نزیه مخبرات ده بنم خاطریم ایچون اجرا اولئیورمش. چونکه
بو مخبراتک تمامنه واقف ایدم.

[۱] ماردین شهرینک اک واسع باغچه لری «زناره» دینلن موقعه در.

[۲] ماردین شهری جوارنده برقصر لطیف اسمیدر.

برپوسته کونی سعید پاشا حضرت تیری بی چاغردی معدن متصرفی
رومی پاشا حضرت تیری طرفدن وارد اولان شو مکتوب ایله ملفوفی بولنان
اون آتی عدد غزلی اعطا ایتدی :

فاضل عرفان آشنا معدن متصرفی رومی پاشا حضرت تیرینک

مکتوبی

بر دلبرد لپرورک آینه اسکن دردن صاف و مجلا و عطف نظر اجبار اید نلرک
عنان اختیار لری ایادی اقتدار لرندن بالضروره منصرف و جدا اولان
کردنی اوزرینه تعلیق و هر نظر عبرت اثری حکمت بالغه آیه نلک درجه کمال
انیمتنی تفکر و ملاحظه بایعث انهمالک وتشویق اوله کلن بردیزی انجونک
میانه بر مائی بونجوق علا و وسیله اصابت عیندن اتقا، عین اصابت بر طاعت
معنا بها و افند مزک سلک نظمه ترتیب بیور مقدمه اولد قلی اشماد ابدارک
هر بر مصرعی، بردیزی در یتیم تابدار و اصابت عیندن احترازاً مائی بونجغه
احتیاجی آشکار و بر طاقم درر غرر بی بها اولد یغنه و قول کزده ایسه
شو احتیاجی امحا و نظردن محافظه و طائفی حقیله و تمایله ایفا ایدم جک
بر چوق مائی بونجوق بولندیغنه نظراً مجرد بر خدمت مملو کیت و بعدما
استزاده توجهات مکارم آیات حقوق پروریلرینه وسیله مظهریت اولوق
اوزره بیوک کوچوک اون آتی عدد نظر بونجفنک لفاً تقدیمه
محاسرت و بونلرک لفظ و معنا و شیوه واداسنده کوریه جک نقایصک
تصحیحندن صرف نظر بیور لمقدن صرف نظرله مجموعه بلاغت و مجله
فصاحت سعیدیه نلک صهایفی میانه القاسی و بروجه معروض ایجابنک
اجراسی استرحامنه جرأت قلندی اولبایده امر و فرمان حضرت
من له الامر کدر